

Bosna i Hercegovina
Federacija Bosne i Hercegovine
KANTON SARAJEVO
Ministarstvo komunalne privrede,
infrastrukture, prostornog uređenja,
građenja i zaštite okoliša



Босна и Херцеговина
Федерација Босне и Херцеговине
КАНТОН САРАЈЕВО
Министарство комуналне привреде,
инфраструктуре, просторног уређења,
грађења и заштите околиша

Bosnia and Herzegovina
Federation of Bosnia and Herzegovina
CANTON SARAJEVO
Ministry of Communal Economy, Infrastructure,
Physical Planning, Construction and
Environmental Protection

Broj: 05-01-04-18506-10/22
Sarajevo, 08.06.2022 godine

SKUPŠTINA KANTONA SARAJEVO

- OVDJE-

PREDMET: Odgovor na zastupničko pitanje zastupnice Neire Dizdarević, dostavlja se

Veza: Vaš akt br.: 01-04-18506-10/22 od 11.05.2022 godine

Dana 23.05.2022 godine, Ministarstvo komunalne privrede, infrastrukture, prostornog uređenja, građenja i zaštite okoliša je zaprimilo predmetni akt br.: 01-04-18506-10/22, na nadležno postupanje sa prilogom, zastupničko pitanje zastupnice Neire Dizdarević.

Zastupnica Neira Dizdarević je na nastavku 52. (pedesetdruge) Radne sjednice Skupštine Kantona Sarajevo održane dana 10.05.2022 godine, u okviru tačke Dnevnog reda "Poslanika/zastupnička pitanja, inicijative i odgovori", postavila zastupničko pitanje koje glasi:

- "Pravno lice Euroterm d.o.o. Kiseljak kao isporučilac toplotne energije na području Kantona Sarajevo donijelo je odluku broj 1-26/22 od 23.02.2022 godine u kojem mijenja cijene za isporučenu toplotnu energiju u skladu sa Odlukom Vlade Kantona Sarajevo o tarifnim stavovima KJKP Toplane od 17.02.2022. godine (Službeni list KS 9/22)";
- "Budući da se pomenuta Odluka o tarifnim stavovima odnosi samo na KJKP Toplane, da li se pravno lice Euroterm d.o.o. Kiseljak shodno članu 68. Uredbe o opštim uslovima za proizvodnju, isporuku toplotne energije (Službene novine KS 22/16) kao davalac usluge obraćao Vladi Kantona Sarajevo, jer Vlada donosi tarifni sistem za davaoca usluge na prijedlog davaoca, a davalac usluge je svaki proizvođač i distributer toplotne energije";
- "Molim Kantonalnu upravu za inspeksijske poslove da izvrši inspeksijski nadzor na gore pomenute okolnosti u vezi člana 68. kao i poštivanje člana 46. Uredbe o opštim uslovima za proizvodnju, isporuku i korištenje toplotne energije (Službene novine KS 22/16) vezano za očitavanja mjerila".



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-086, Fax: + 387 (0) 33 562-177
Web: <http://mkipgo.ks.gov.ba>, E-mail: mkipgo@mkipgo.ks.gov.ba

ODGOVOR

U skladu sa članom 13. stav (2) Zakona o komunalnim djelatnostima ("Službene novine Kantona Sarajevo", br. 14/16, 43/16, 10/2017 - ispr., 19/17, 20/18 i 22/19) i člana 4. stav (4) Uredbe o opštim uslovima za proizvodnju, isporuku i korištenje toplotne energije ("Službene novine Kantona Sarajevo", broj 22/16), ministar komunalne privrede i infrastrukture Kantona Sarajevo donosi pravilnik o uslovima za obavljanje energetske djelatnosti proizvodnje i isporuke toplotne energije.

S tim u vezi, ministarstvo je završilo ovaj "Pravilnik" još u 2017. god. u skladu sa propisima, tj. Uredbom o postupku i načinima pripremanja, izrade i dostavljanja propisa ("Službene novine Kantona Sarajevo" broj: 50/17 - Drugi prečišćeni tekst), te kao nosilac izrade propisa da bi ga dostavili Vladi Kantona Sarajevo zatražili smo mišljenja, Ureda za zakonodavstvo Vlade Kantona Sarajevo (o usklađenosti propisa sa Ustavom i pravnim propisima), Ministarstva pravde i uprave (o usklađenosti propisa sa Evropskom konvencijom o zaštiti ljudskih prava i osnovnih sloboda i drugim pravnim aktima kojima je utvrđena zaštita ljudskih prava i sloboda, između ostalih i Ministarstvu finansija Kantona Sarajevo.

Pored pozitivnih "Mišljenja" koje smo dobili i to od Ureda za zakonodavstvo Vlade Kantona Sarajevo i Ministarstva pravde i uprave Kantona Sarajevo, Ministarstva finansija Kantona Sarajevo se svojim dopisom od 07.03.2018 godine izjasnilo slijedeće citiramo "Naknada za obnovu toplifikacionih sistema" koja se navodi u čl. 7. dostavljenog "Pravilniku o uslovima za obavljanje energetske djelatnosti proizvodnje i isporuke toplotne energije putem centralnog/daljinskog sistema zagrijavanja" nije definisana Zakonom o komunalnim djelatnostima ("Službene novine Kantona Sarajevo", br. 14/16, 43/16, 10/2017 - ispr., 19/17, 20/18 i 22/19), te u skladu sa tim ne može biti predmet Pravilnika kao poseban namjenski prihod unutar naknade Budžeta Kantona Sarajevo". Također, važno je napomenuti i to da bi se primijenila propisana odredba potrebno je izmjena Zakona o komunalnim djelatnostima, kojeg mi kao resorno ministarstvo evo već nekoliko godina pokušavamo u svom Programu rada donijeti ali ne uspijevamo da donesimo zbog ne donošenja Zakona o lokalnoj samoupravi za područje Kantona Sarajevo.

Ovo smo naveli iz razloga što je djelimično i odgovor na zastupničko pitanje. Da bi pravno lice Euroterm d.o.o. Kiseljak bio legitiman kao isporučilac toplotne energije, kao davalac usluge (energetski subjekt) na području Kantona Sarajevo, morao je u skladu sa čl. 4. navedene Uredbe biti registrovan za obavljanje ove djelatnosti i samo u tom slučaju kao davalac usluge može obavljati energetske djelatnosti proizvodnje i isporuke toplotne energije. Samo na osnovu uvjerenja o ispunjavanju uslova za obavljanje ove djelatnosti može obavljati energetske djelatnosti proizvodnje i isporuke toplotne energije. Uvjerenje iz stava (2) navedenog člana 4. izdaje Ministarstvo. Uvjerenje se izdaje se za period, koji zavisi od tehničkih uslova, vrste i kapaciteta energetske djelatnosti propisuje Ministarstvo.

Sve do sada donesene Odluke o visini tarifnim stavovima KJKP "Toplane - Sarajevo" d.o.o. Sarajevo, Vlada Kantona Sarajevo je donijela u skladu sa članom 22. stava (5) Zakona o komunalnim djelatnostima, Odluke o usvajanju tarifnog sistema davaoca usluge KJKP "Toplane - Sarajevo" d.o.o. Sarajevo, Tarifnog sistema davaoca usluge KJKP "Toplane - Sarajevo" d.o.o. Sarajevo i Mišljenja Neovisnog stručnog tijela Vlade Kantona Sarajevo. Također, važno je istaknuti i to da Uredbom o opštim uslovima za proizvodnju, isporuku toplotne energije ("Službene novine Kantona Sarajevo", broj: 22/16) davalac usluge je dužan dostaviti svoj Tarifni sistem.




Na kraju napominjemo da se pravno lice Euroterm d.o.o. Kiseljak, prije par godina obraćao tadašnjem resornom Ministarstvu kojim je tražio izdavanje "Uvjerenja", ali nije nikada dostavljao kao davalac usluge svoj Tarifnog sistema. U predmetnim aktima kao odgovor u vezi izdavanja "Uvjerenja" uvijek smo navodili razloge ne usvajanja navedenog "Pravilnika", a koje smo i Vama gore na početku obrazložili odnosno odgovorili.

Zastupnica je pitanje dostavila u pisanoj formi, te Vam odgovor na isto dostavljamo, a sve u skladu sa odredbama Poslovnika Skupštine Kantona Sarajevo ("Skupština Kantona Sarajevo", broj 41/12 – Drugi prečišćeni tekst, 15/13 i 47/13, 47/15, 48/16, 9/20, 14/20, 1/22 i 17/22 - Ispravka), kako bi isti pripremili za narednu sjednicu Skupštine Kantona Sarajevo i uputiti predsjedavajućem Skupštine Kantona Sarajevo, da bi se isti dostavio zastupniku, kao i ostalim zastupnicima Skupštine.

S poštovanjem,

Enver Hadžić
Izmaš.



Dostaviti:

1. Naslovu,
2. Stručnoj službi Vlade Kantona Sarajevo,
3. Evidencija,
4. Arhiva.